

四庫全書

史部

欽定四庫全書

欽定大清會典則例卷六十二

禮部

儀制清吏司

授時

一頒朔順治二年時憲書成欽天監進呈

御覽

世祖章皇帝御武英殿文武各官咸朝服齊集

午門外頒朔行禮。○是年題定每年十月初一日  
黎明欽天監官設黃案於

午門外正中設紅案於

午門外兩旁欽天監自署內設龍亭一采亭八奉  
恭進

皇帝

皇太后

皇后時憲書於龍亭奉頒給王以下各官時憲書於

采亭陳設畢行一跪三叩禮校尉舁亭前設香  
亭和聲署作導迎樂出欽天監署自

長安左門進至

午門外欽天監官奉恭進

皇帝

皇太后

皇后時憲書陳正中黃案上奉頒給王公百官時憲  
書陳兩旁紅案上陳設畢舉黃案由中門入欽

天監監正監副從隨至

太和門陳於左右階上監正等於丹墀左行三跪  
九叩禮授內府官奉時憲書入恭進

皇帝

皇太后

皇后欽天監官徹案各退是日黎明貝子公暨文武

百官咸朝服集

午門外鳴贊官贊排班貝子公立甬道上百官立

甬道兩旁均北面東班西上西班東上贊有

制衆皆跪鴻臚寺官宣

制曰欽天監進某年時憲書其賜王公百官頒行天下宣畢羣臣行三跪九叩禮畢親王郡王各令所屬依次跪領貝子公親跪領文武官各以其長一人跪領回署頒給所屬官各退○十八年定朝鮮國每年十月朔遣使齎咨赴部恭領時憲書豫劄欽天監封送儀制司本司郎中朝服

於司署頒發來使跪領齎回本國○康熙三十  
二年

頒時憲書於內扎薩克科爾沁等二十四部落均以  
各來使請

安之便按名給發○五十三年

頒時憲書於外扎薩克喀爾喀等十有五部落與科  
爾沁等部落同○雍正三年定頒給青海扎薩  
克王台吉等時憲書於每年頒俸幣時一同給

發○七年議準定例欽天監每年給發各衙門  
時憲書外聽匠役備紙刷印售賣以便民用今  
各省布政使司亦應照例請自八年為始每歲  
四月由欽天監頒發考定時憲書式令各布政  
使司敬謹刊刷鈐蓋庫貯欽天監時憲書印信  
凡見任文武大小官及在籍有職官舉人貢生  
等各給一本以彰敬授人時之意其刊刻紙墨  
工價各動用正項錢糧至於各省民戶繁多勢



難遍給應將所刻書版發貯公所聽匠役或書坊備紙刷印赴布政使司鈐蓋欽天監時憲書印發賣每本定價一分二釐俾深山僻壤咸知時序月令仍飭該地方官嚴禁偽造務使官書廣布以便民用如有偽刻私書及捏稱繳官於定價外需索等弊將該有司從重治罪督撫如不察究并嚴加議處○十二年覆準每逢頒朔之日八旗都統各部院堂官各率所屬並諸王

府祇領屬官咸朝服齊集

午門外行三跪九叩禮御史二人監禮部委滿漢  
司官二人收職名如有公事不克親赴豫行知  
會其無故不到及不朝服行禮者指名叅處務  
恪遵定制整齊敬謹以光大典至頒給百官時  
憲書三品以上官應仍於

午門外祇領其餘滿漢文武有頂帶官員萬三千  
餘人一時難以遍給往來擁擠恐無以肅觀瞻

而昭典禮應照向例於

午門外行禮後各赴欽天監祇領○乾隆二年覆  
準散給青海扎薩克王台吉等時憲書於每年  
五六月間同俸幣給發似覺稍遲應先期於每  
年十月將次年時憲書由兵部文驛站發往青  
海散給○十六年奏準孟冬頒朔請由欽天監  
豫日行文至期貝子公以下至文武正貳各官  
咸朝服齊集依次跪領恭埃宣

制行三跪九叩禮如有無故不到者糾儀御史於次日叅奏照無故不朝叅律議處至直省時憲書頒到之日督撫亦應有接受之儀舊典未備請酌定儀注纂入會典通禮恭呈

御覽頒發遵行以仰承

皇帝欽若時憲之至意○十九年定孟冬頒朔於午門親王郡王貝勒亦令親領行禮○是年頒時憲書於杜爾伯特部落與喀爾喀部落同

一迎春順治初定每年立春芒神春牛由順天府豫備屆期由部會同恭進前二十日劄欽天監選取導引之天文生八名造冊送部取候時官二人於

午門前祇竢屆期告時劄順天學政選取生員七十五人各具頂帶公服恭昇芒神春牛案送至午門外同本部官恭進又行文內務府於立春日豫除內監恭進芒神春牛竢於

乾清門

慈寧門又行知步軍統領護軍統領內務府於立春

日屆時啟

長安左門

天安門

端門

午門

協和門

永康左門之中門○又定凡遇立春時刻或在暮  
夜或在子丑等時均由部奏明擇寅卯辰等時  
恭進○又定每歲各省府州縣官豫造芒神土  
牛於東郊外立春日各官朝服迎春於東郊陳  
芒神土牛設香燭酒果贊禮生贊排班贊跪叩  
興各官行一跪三叩禮興贊跪奠爵領班官奠  
酒三爵贊叩興各官跪叩如前興隸舁芒神土  
牛香亭鼓樂前導各官朝服後隨回至署陳於

堂前各官執采仗環立土牛兩旁贊擊鼓樂工  
播鼓贊鞭春各官環擊土牛三以示勸耕之義  
○康熙十三年覆準直省府州縣迎春於東郊  
各官拜芒神土牛止用鼓吹采亭其勒令鹽商  
當鋪行戶裝演故事臺閣排列金珠張鼓樂樹  
旗幟並科派里長提取車馬優伶等項嚴行禁  
止如有前項糜費並各官藉端派累由督撫科  
道糾叅交該部議處





頒詔

一

頒詔順治元年定

頒詔之日設鹵簿大駕於

午門外設

御座於

皇極門

今太和門

正中設

詔案於丹陛上東旁王以下文武各官咸集大學士

奏請

御門陞座鳴鞭執事各官行禮畢鳴贊官贊排班贊  
進贊跪王以下文武各官皆跪贊

頒詔大學士自案上奉

詔書於丹陛上東旁立宣畢鳴贊官贊行三跪九叩  
禮興退復原班立

賜燕謝

恩禮成鳴鞭

駕還宮衆皆退

詔書謄黃刊頒天下○八年定

頒詔之日設鹵簿大駕於

太和殿前設黃蓋雲盤於丹墀內設龍亭香亭於

午門外設宣

詔高臺於

天安門外鴻臚寺官設

詔案於

太和殿內之東又設黃案於丹陛上正中王以下  
公以上咸朝服齊集於

午門內滿漢文武各官咸朝服齊集於

午門外領催外郎耆老等齊集於

天安門外內院官奉

詔書至

乾清門用

御寶畢奉至

太和殿內陳案上禮部官引王公等進至丹陛上  
引文武各官入

午門左右掖門至丹墀內各序立禮部堂官奏請  
皇帝御禮服陞

太和殿鳴鐘鼓作樂鳴鞭王以下各官上表行禮  
畢大學士進殿內案前奉

詔書至

太和殿檐下授禮部尚書禮部尚書跪受至丹陛

正中陳於案行一跪三叩禮奉起由中階降設雲盤內禮部官奉雲盤上覆黃蓋由中道出文武各官後隨王公等進殿內序坐

賜茶畢鳴鞭

駕還宮王公等各退禮部官至

午門外奉雲盤設龍亭內行一跪三叩禮校尉昇亭香亭在前龍亭在後前列御仗導迎樂作至天安門外橋南禮部官於龍亭前行一跪三叩禮

奉

詔書設高臺黃案上覆以黃蓋鴻臚寺官贊排班贊  
進衆官各按班次立贊有

制衆跪宣讀官於臺上西面立先宣清文次宣漢文  
畢鳴贊官贊各官行三跪九叩禮畢禮部官奉  
詔書仍設龍亭內校尉舁亭作樂由

大清門出禮部堂官豫由

長安左門詣部恭候俟



詔至率所屬跪迎於儀門甬道之右司官奉

詔至大堂陳於黃案禮部堂官率所屬行三跪九叩

禮興恭閱

詔書謄黃鑄刻頒行天下○又定如

駕不御殿文武百官咸朝服齊集於

天安門外金水橋前餘奉

詔宣

詔等儀與

御殿同○十一年議準頒發外國及直省

詔書均由內院用

寶畢交與禮部外藩蒙古遣內院理藩院官各一人

朝鮮國遣正副使二人具題請

旨命往直省先委行人司如行人員少取中書科中

書如中書科人數不敷於內院中書鑾儀衛首

領官國子監欽天監上林苑監四譯館酌量取

用屬官具題遣往○是年題準

詔書所至地方官具龍亭采輿儀仗鼓樂出郭迎接  
朝使下馬奉

詔書設龍亭中南嚮朝使立於亭東地方官朝服北  
嚮行三跪九叩禮鼓樂前導朝使上馬於亭後  
隨行至公廡門外衆官先入文武分東西序立  
候龍亭至公庭中朝使立龍亭之東西嚮禮生  
贊排班樂作衆行三跪九叩禮朝使奉

詔授展讀官

以教官為之

展讀官跪受詣開讀案前宣讀

衆官皆跪宣讀畢展讀官奉

詔書授朝使朝使奉設龍亭中衆官行三跪九叩禮  
畢皆退督撫即騰黃分領司道府州縣衛所○

又題準凡

詔書經過地方官員軍民人等咸跪路旁候

詔過方起如出使在外官員遇

詔即出迎郊外至公庭中禮生先引出使官行三跪  
九叩禮後本處官行禮至開讀時出使官仍隨

班跪聽一同行禮○康熙二年題準凡

詔書經過地方五里以內府州縣衛文武官咸出城

迎送違者或

頒詔官指名報部或督撫題叅皆降二級留任五里  
以外者不必迎送○八年題準凡

頒詔漢督撫省分遣漢官滿督撫省分遣內院禮部  
筆帖式○十二年題準凡

頒詔赦及

恩賜往朝鮮內大臣散秩大臣侍衛均候

旨命往仍將內閣侍讀學士侍讀翰林院侍讀學士  
侍講學士侍讀侍講禮部郎中員外郎主事照  
依職銜為正副使具題遣往○二十一年題準  
頒直省滿漢督撫

詔書於內閣中書翰林院筆帖式行人司官內酌委  
齋送其頒行將軍提督等騰黃

詔書並付齋送督撫官員帶往

詔書用

御寶謄黃不用齋

詔官由各衙門簡選均赴禮部大堂掣籤分遣齋送

○二十七年題準頒行直省滿漢督撫

詔書減去內閣中書一人翰林院筆帖式一人委禮

部筆帖式二人奉

旨每處著一人去雜派已通行禁止恐地方官假藉頒

詔妄行科派著嚴行禁止○四十二年覆準各省

頒詔官應於起程日起算往返直隸限十五日河道  
總督河南山西二十日山東二十五日漕運總  
督四十五日江南六十日江西浙江湖廣陝西  
七十五日貴州九十日福建四川廣東廣西百  
有五日電南百二十日該省督撫即將

詔到日期報部察覈其

頒詔官如果江湖風阻疾病耽延取具經過地方官  
印結到部倘有故意遲延違限者交該部從重



議處○四十八年奉

旨頒詔官如有紆道行走及沿途生事擾累驛遞者著  
該督撫即行指叅○雍正元年

諭頒發詔書禮部筆帖式人少不足以供各處之用且  
必得少知自愛材尚可用者方可差往著將各部院  
筆帖式令各該堂官與總理事務王大臣會同簡選  
差往欽此○乾隆十四年奏準頒

詔儀節應增金鳳朶雲工部前期設金鳳於

天安門上正中設宣

詔臺於門上東第一楹

詔由

午門奉出至

天安門上聽

詔百官耆老等分翼排班於金水橋南跪聽宣

詔官宣讀畢鴻臚寺官贊行三跪九叩禮奉

詔官將

詔書御以金鳳承以朶雲由

天安門上繫下禮部官接受設采亭內迎出

長安左門餘如前儀○十七年定直隸總督齋

詔官一人附騰黃七道分頒天津都統直隸提督馬

蘭泰寧天津宣化正定等處總兵官○山東巡

撫兼提督齋

詔官一人附騰黃三道分頒青州將軍登州兗州總

兵官○山西巡撫兼提督齋

詔官一人附騰黃三道分頒綏遠城將軍太原大同  
總兵官○河南巡撫兼提督齎

詔官一人附騰黃二道分頒南陽河北總兵官○兩  
江總督齎

詔官一人附騰黃八道分頒江蘇安徽巡撫江寧京  
口將軍江南提督狼山蘇松壽春等處總兵官  
○漕運總督江南河道總督河南山東河道總  
督齎

金  
卷六十二  
詔官一人○江西巡撫兼提督齎

詔官一人附騰黃二道分頒南贛南昌總兵官○閩

浙總督齎

詔官一人附騰黃十二道分頒福建巡撫福州將軍

水師陸路提督金門汀州海壇臺灣福寧漳州

南澳建寧等處總兵官○浙江巡撫齎

詔官一人附騰黃八道分頒杭州將軍乍浦副都統

浙江提督定海黃巖溫州處州衢州等處總兵

官○湖廣總督齎

詔官一人附騰黃八道分頒湖南湖北巡撫荊州將軍湖廣提督鎮筵宜昌永昌襄陽等處總兵官

○陝甘總督齎

詔官一人附騰黃十五道分頒陝西甘肅巡撫西安寧夏涼州將軍甘肅安西固原提督西寧延綏寧夏肅州涼州興漢河州等處總兵官○四川總督齎

詔官一人附騰黃六道分頒成都副都統四川提督

川北重慶建昌松潘等處總兵官○兩廣總督

齎

詔官一人附騰黃九道分頒廣東巡撫廣州將軍廣

東提督左翼右翼瓊州潮州碣石高雷等處總

兵官○廣西巡撫齎

詔官一人附騰黃三道分頒廣西提督左江右江總

兵官○雲貴總督齎

詔官一人附騰黃十一道分頒雲南巡撫提督開化  
鶴麗臨元永北楚姚永順曲尋昭通普洱等處  
總兵官○貴州巡撫齋

詔官一人附騰黃五道分頒貴州提督安籠古州鎮  
遠威寧等處總兵官

頒賞

一

恩詔



頒賞

詳見各年  
詔款

一

實錄

玉牒告成

頒賞崇德二年

太祖高皇帝實錄成

賜大學士各鞍馬一銀五十兩滿學士各馬一銀四

十兩漢學士各銀四十兩筆帖式各銀二十兩

○順治十八年

玉牒成於康熙元年

賜總裁王各銀二百兩表裏各十疋副總裁大學士  
各銀百兩表裏各五疋侍郎學士啓心郎各銀  
八十兩表裏各四疋纂修官侍讀學士郎中各  
銀四十兩表裏各二疋編修主事各銀三十兩  
表裏各一疋謄錄收掌官各銀二十兩供事各  
銀十兩紙匠各銀五兩均於戶工二部移取由

部給發○九年

玉牒成

賜總裁王副總裁大學士等照元年例副總裁貝勒  
銀百五十兩表裏各七疋纂修員外郎銀三十  
五兩表段二疋裏段一疋其餘纂修謄錄收掌

官供事匠役等均照元年例

十八年二十七年  
三十六年賞給銀

幣皆

○十一年

世祖章皇帝實錄成

賜監修總裁各鞍馬一匹銀百兩大蟒紗一疋大采  
段表六疋裏七疋副總裁各鞍馬一匹銀八十  
兩大蟒紗一疋大采段表五疋裏六疋纂修官  
各銀五十兩紗一疋大采段表四疋裏五疋收  
掌繙譯滿騰錄官蒙古騰錄官各銀三十兩紗  
一疋大段表二疋裏三疋漢騰錄官廕監生監生  
生員各銀十兩段表裏各一疋執事人役供事  
官各銀八兩段表裏各一疋紡絲一疋紙匠各

銀五兩布五疋於戶工二部太僕寺移取由部  
給發○二十一年

太宗文皇帝實錄成

賜監修總裁纂修大小各官及執事人役均與十一  
年同○雍正四年

玉牒成

賜副總裁大學士等與康熙九年同接修總裁貝勒  
銀百兩表段五疋裏五疋接修副總裁鎮國公

銀六十兩表段三疋裏三疋其餘纂修收掌謄錄各官及供事人役均照九年例賞給○九年聖祖仁皇帝實錄成

賜監修總裁副總裁提調纂修收掌繙譯各官及供事人等均照康熙十一年之例其漢謄錄官舊例與賞滿謄錄官蒙古謄錄官有別今以滿漢効力維均亦照滿謄錄官例賞給又皂役照紙匠例各賞給銀五兩布五疋○乾隆元年

玉牒成

賜總裁王副總裁大學士等仍照康熙九年之例其  
接修總裁大學士應給半賞銀七十五兩表段  
四疋裏三疋提調官宗人府理事官奉國將軍  
照纂修侍讀學士郎中例銀四十兩表段二疋  
裏二疋餘均與康熙九年同○六年

世宗憲皇帝實錄成

賜監修總裁提調纂修收掌繙譯謄錄各官及供事

匠役人等均與雍正九年同○九年

玉牒成

賜總裁王副總裁大學士等仍照康熙九年例總裁  
大學士銀百五十兩表段七疋裏七疋又纂修  
官內閣侍讀照員外郎例銀三十五兩表段二  
疋裏一疋內閣中書照主事例銀三十兩表裏  
各一疋接修之纂修官翰林院典簿亦照主事  
例給與半賞餘執事人員供事匠役等均與康



熙九年同○十五年

玉牒成

賜總裁王等各銀二百兩表段十疋裏十疋總裁大  
學士銀百五十兩表段七疋裏七疋副總裁大  
學士銀百兩表段五疋裏五疋提調官監察御  
史照郎中例銀四十兩表段二疋裏二疋全修  
纂修官內閣侍讀照員外郎例銀三十五兩表  
裏各二疋宗人府理事官照郎中例銀四十兩

表裏各二疋接修纂修官詹事府贊善照主事  
例銀十五兩表段一疋其餘全修接修收掌膳  
錄等官及供事匠役人等均照康熙九年例賞  
給

一

頒賜督撫提鎮服物順治十六年定凡督撫赴任前  
期令內務府

頒賜盔甲各一鞍馬一橐鞬一弓矢全蟒朝服一或

於常朝處或進

內謝

恩畢

賜饌臨期請

旨行○十八年定凡督撫赴任前期止奏起程日期

謝

恩不奏頌賞○康熙七年定凡督撫提鎮赴任由部

奏請

賜總督提督鞍馬一橐韉一弓矢全總督加

賜蟒朝服一襲

賜巡撫總兵官鞍馬一禮部官引至

午門前

頒賞○又定直省駐防將軍都統副都統賞給鞍馬  
弓矢等物照依督撫提鎮之例由部奏請

賜給○乾隆五年奏準各直省將軍總督都統巡撫  
副都統提督總兵官賞給鞍馬弓矢等物酬庸

獎功實為

大典其曾任封疆已邀賞賜者不重給即初膺

簡命以及外省入

覲之人或見有降革等案或職銜尚未實授均應不

在賞之列至應賞之人由部具奏得

旨後行文上駟院戶部工部備辦賞物鴻臚寺委官

引禮屆期禮部堂官一人具朝服於

午門前監賞該員朝服跪領謝

恩典禮所關非可造次辦理致滋冒濫應令請賞之人  
人在內於奉

命之日在外於入

覲到京日即將請領緣由及從前曾否賞給見在職

銜曾否實授並有無降革之處一一開明督撫

具揭吏部將軍都統副都統提督總兵官具揭

兵部該部檢覈明晰移咨到部仍令該員等於

引

金史卷之二十三 卷之二十三  
見後即行赴部報明由部請

旨恭候

欽定

一卓薦

頒賞康熙六年定直省卓異官員引


見準其卓異注册回任候升者文職賞朝服武職賞

蟒袍○乾隆五年覆準卓異官員文職知府以

上賞蟒段朝衣一襲同知以下教諭以上賞蟒

段領袖雲段朝衣一襲武職二品以上賞大蟒  
段袍一襲三品以下賞小蟒段袍一襲均不必  
在京候領埃造成之日由部交各該省提塘齎  
送各該督撫覈明轉給仍將領到日期報部存

案





欽定大清會典則例卷六十二

欽定四庫全書

史部

欽定大清會典則例卷六十三

詳校官檢討臣劉 妍

編修臣程嘉謨覆勳

總校官原任中允臣王燕緒

校對官中書臣潘奕雋

謄錄監生臣牟 焜

欽定四庫全書

欽定大清會典則例卷六十三

禮部

儀制清吏司

進表

一進表箋順治元年定

萬壽元旦冬至三大節在京王公暨文武百官各進

賀

皇帝表文一通表文由內閣撰擬表袱表匣由工部  
備造如遇

特典應進慶賀表箋則內閣臨期撰擬在外直省文  
武各官進賀表箋均

勅內閣撰擬定式頒發各布政使司按察使司都司  
直隸各府州各差官齎進○是年題準慶賀

皇帝萬壽元旦冬至表式在京稱某親王臣某等諸  
王貝勒文武官等在外稱某官臣某等誠懽誠

忭稽首頓首上言伏以

德統乾元首正六龍之位

建用皇極宏開五福之先恭惟

皇帝陛下

率育蒼生

誕膺

景命寰區和協聲教覃敷四海一而萬國來王川嶽  
靈而俊乂斯出太平有象

歷服無疆 臣等恭遇

熙朝欣逢

聖誕

元旦 長至 在外官於此 下  
增身 羈職業心 戀闕廷二句 伏願

玉燭長調慶雍熙於九牧

金甌永固登仁壽於萬年 臣等無任瞻

天仰

聖懽忭之至謹奉

表稱

賀以

聞○又題準慶賀

皇后千秋元旦長至筵式

具官至上  
言同前

伏以

祥凝璇室仰

內治之宏昭

瑞靄椒宮慶

母儀之光大敬惟

皇后殿下

安貞表範

恭儉垂型

博厚協載物之仁

恩隆逮下

肅雍贊齊家之化

德茂承天

臣等

以下式  
同前

欣逢

令節

元旦  
長至

伏願

徽音益著彌增彤管之輝



景福駢臻永紀瑤編之盛

以下式  
同前

○又定凡表並

用小字楷書表文前上面黏黃帖一方如印大  
帖下用印黃帖所書如

萬壽書進賀

萬壽表文元旦書進賀元旦表文冬至書進賀冬至

表文末後年月日上亦用印束封上用黃帖上

所書如前黃帖下用印印下書某官臣某上進

謹封於上進謹封字上用印副本用手本小字

楷書後年月日上用印黃綾裱褙匣箋文繕書印封皆與表同○八年定元旦冬至直省文武五品以上官各進賀

皇太后表文

皇帝表文

皇后箋文布政使及叅政叅議道等官每節共進表  
二箋一按察使及副使僉事道等官每節共進  
表二箋一鹽運使各府直隸州行聖公每節各

進表二箋一總兵官副總兵叅將游擊等官每節各進表二箋一都司行都司各衛每節各進表二箋一

萬壽節祇進

皇帝表一總督巡撫不進表箋凡遇慶賀大典具本慶賀○九年

諭賀表賀本體式不同近來賀本均用表體著撰擬本式頒發通行欽此○十三年定

皇太后聖壽照元旦冬至例直省文武各官均進賀表  
○康熙元年

聖祖仁皇帝尊上

太皇太后

兩宮皇太后尊號禮成是日早禮部官設香亭表亭奉  
在京王以下文武各官所進清漢字表設表亭  
內校尉舁行鼓樂前導由

長安左門中門進

天安門左門至

午門前陳設禮部官自亭奉表入

午門左門設

太和殿前黃案上俟

陞殿王以下各官皆跪大學士奉表恭詣

御前跪讀王以下文武各官均行三跪九叩禮畢

頒詔天下各直省文武官五品以上諸司應進表文

差官齎進慶賀○又定嗣後遇

太皇太后

皇太后聖壽及元旦冬至各節均照例齋表入賀其賀

表文式內院撰擬交與禮部頒發依式齋進

是年題準慶賀

皇帝萬壽元旦冬至表式與順治元年同○又題準

慶賀

太皇太后聖壽表式

具官至上  
言同前

伏以

坤德無疆首立

母儀之極

天庥滋至聿彰

聖壽之隆慶積

重闈歡騰函夏恭惟

昭聖慈壽恭簡安懿章慶敷惠太皇太后陛下

齋莊中正

光大含弘

開歷服億萬年燕

天昌後

邁春秋八千歲錫類施仁茲當

壽豈之辰咸切尊親之戴

臣等

王等屬在懿親文官職守封圻武官職典

戎行土官職在邊方欣逢

盛節伏願

瑞靄宮庭常集介眉之祐

化行寰海永昭恒月之輝

臣等無任瞻

天仰



聖懽忭之至謹奉

表稱

賀以

聞○又題準慶賀

太皇太后元旦表式

具官至上  
言式同前伏以

乾元啓瑞

坤厚凝禧欣瞻四序回春永賴

重闡有慶恭惟

昭聖慈壽恭簡安懿章慶敦惠太皇太后陛下

敬孚壺範

德著徽音

慈恩篤祐昇平

聖善宏開景運化日舒長於萬國太和光被於昌辰

臣等

以下式  
同前

恭逢

元旦轉璇樞而獻頌望切瞻雲祝嵩壽以陳辭誠

抒拱極

以下式  
同前

○又題準慶賀

太皇太后冬至表式

具官至上  
言式同前伏以

初陽來復

六宇昇平

龍樓瑞霽昌時

鳳厯和舒化日恭惟

昭聖慈壽恭簡安懿章慶敷惠太皇太后陛下

肅雍叶慶

純敬昭徽

配德端位於

重闈

啟後著功於

皇極安貞體順

尊養凝庥

臣等

以下式同前

欣逢

長至誦孝慈之則四海回暄見

天地之心萬靈受泰

以下式同前

○又題準慶賀

皇太后聖壽表式

具官至上言式同前

伏以

坤德宏昭啓

一人之有慶

天庥茂集綿

萬壽以無疆喜溢宮闈歡騰海宇恭惟

仁憲皇太后陛下

恩隆錫類

化著慈徽開奕葉之靈長

仁膏普被介千秋之純祐

福履駢臻茲當

壽豈之辰咸切尊親之戴

臣等

以下式同前

恭逢

盛節伏願

瑞靄彤闈

遐算益增昌熾

祥呈瑤牒

洪禧永並升恒

以下式同前

○又題準慶賀

皇太后元旦表式

具官至上言式同前

伏以

乾元肇瑞

坤厚凝禧天工合陰教以咸亨歲序慶陽和而成

恭惟

仁憲皇太后陛下

仁宏育物

德懋嗣音澤流時夏知化日之方長世濟如春適

昌辰之初啓

臣等以下式  
同前

恭逢

元旦望

椒殿而稱觥願膺純嘏喜

瑤階之增筵茂對清時

以下式  
同前

○又題準慶賀

皇太后長至表式

具官至上  
言式同前

伏以

一陽初復

萬彙昭蘇

泰階共際昇平

福履彌增昌熾恭惟

仁憲皇太后陛下



恩隆祚嗣

化洽宮庭象

坤道以安貞惟德用懋集

天庥而永固與時偕亨

臣等

以下式  
同前

欣逢

長至祥呈雲物瞻

化日之舒長頌獻升恒祝

純禧之茂集

以下式  
同前

○又題準慶賀

皇后千秋元旦長至箋式與順治元年同○八年定

文官表箋布政使司彙進衛所表箋都司彙進  
武官表箋提督彙進無提督之省總兵官彙進

○康熙十四年題準

皇太子千秋節元旦長至箋式

具官至上  
言式同前伏以

天心眷佑綿萬世之洪圖

國本茂隆介

千秋之景福敬惟

皇太子殿下

元良德裕

英敏性成膺

有道之昌期臣民懽戴奉無疆之

寶籙

宗社奠安

臣等

以下式  
同前

欣逢

令旦

正旦  
長至

伏願永承

泰運合宇宙以誠和大集

祥符躋升恒於悠久臣等無任懽忭踴躍之至謹

奉

箋稱

賀以

聞 以上書寫封印皆與表同但易箋文並紅綾袱  
匣○十六年題準

皇后千秋箋文照例齎進○二十七年覆準正定總  
兵官既裁嗣後紫荊等協營路慶賀表箋令該  
撫彙進○二十九年議準慶賀表箋訛書遺漏

並顛倒違式交部議處其表箋發還令照式再  
繕補進○三十一年定直隸各省文武官凡遇  
慶賀表箋停其專官齎送按節統於總督衙門  
彙齊與總督慶賀表章同由驛遞送進無總督  
之省由巡撫彙送○三十二年題準各省文武  
官慶賀表箋通省統用火牌專遣承差齎送○  
又覆準行聖公慶賀表箋按節仍令專差齎送  
○四十四年議準朝鮮國王慶賀表箋每歲更

換辭句不盡合式應頒發定式令照式繕進以  
省繁文○五十五年議準表箋事闕大典自五  
十六年

萬壽聖節為始文官按察使以上武官副將以上準其  
進表仍照例該督撫彙齊由驛遞投禮部轉送  
內閣如有藉進表名色派斂需索該督撫科道  
覈明治罪○六十一年十二月題準慶賀

皇帝萬壽元旦長至表式

具官至上  
言式同前伏以

德統乾元首正六龍之位

建用皇極宏開五福之先恭惟

皇帝陛下

率育蒼生

誕膺

景命

撫時出政八風順而嘉穀蕃昌

受籙敷猷萬國寧而俊民樂育太平有象

歷服無疆臣等恭遇

熙朝欣逢

聖誕

元旦  
長至伏願

玉燭長調慶雍熙於九牧

金甌永固登仁壽於萬年

以下式  
同前

○又題準慶賀

皇太后聖壽表式

具官至上  
言式同前伏以

坤德宏昭啓

一人之有慶



天庥茂集綿

聖壽以無疆喜溢宮闈歡騰海宇恭惟

仁壽皇太后陛下

恩隆錫類

化著慈徽

長樂春暉備古今之遐福

萬安日永迎

天地之瑞符茲當

壽豈之辰咸切尊親之戴

以下式  
同前

○又題準慶賀

皇太后元旦表式

具官至上  
言式同前伏以

乾元肇瑞

厚德凝禧天工合陰教以咸亨歲序應陽和而成

泰恭惟

仁壽皇太后陛下

仁宏育物

德懋嗣音化日舒和三百六旬之始春臺降祉七

十二候之期

以下式同前

○又題準慶賀

皇太后冬至表式

具官至上言式同前

伏以

一陽初啓

萬彙昭蘇

泰階共際昇平

福履彌增昌熾恭惟

仁壽皇太后陛下

恩隆祚嗣

化洽宮庭值斗柄之方旋光輝南極見葭灰之初

動瑞應融風

以下式同前

○又奉

昔元旦冬至賀表皆竦雍正二年舉行萬壽表文竦過  
二十七月頒發○雍正元年題準慶賀

皇后千秋箋式

具官至上言式同前

伏以

祥開盛序啓福履之咸綏

節介壽祺合宮闈而稱慶敬惟

皇后殿下

溫恭成性

雍肅垂型

懋柔順之徽音承天德盛

邁幽閒之美化逮下恩隆

臣等

以下式

欣逢

令節伏願

含弘益著協地道之無疆

光大彌昭贊乾行於不息

以下式

○又題準慶賀

皇后元旦箋式

具官至上伏以

璇宮瑞靄應歲序以咸亨

椒室祥凝迓

天庥而同永敬惟

皇后殿下

闕睢孝敬

芣苢和平

德合兩儀慶昌辰之初啓

光同二曜逢春日之方長

臣等

以下式  
同前

欣逢

元旦

鴻禧丕懋益增彤管之輝

景福長新永紀瑤編之盛

以下式同前

○又題準慶賀

皇后長至箋式

具官至上言式同前伏以

乾元肇瑞初飛玉管之灰

坤厚凝禧彌衍椒塗之慶敬惟

皇后殿下

靜專體順

孝敬昭徽

配德端位於宮闈

基化著功於中外 昌辰霽瑞化日舒長

臣等以下式同

前欣逢

長至伏願

日星恒照開萬禩之宏庥

福祿益增介千秋之純嘏

以下式同前

○十三年十月

題準慶賀



皇帝三大節表式

具官至上  
言式同前

伏以

德統乾元首正六龍之位

建用皇極肇開五福之先恭惟

皇帝陛下

率育蒼生

誕膺

景命

順時熙績百昌遂而萬國和寧

御宇綏猷四序調而兆民樂利太平有象

福祚無疆臣等恭遇

熙朝欣逢

聖誕

元旦則書元旦  
冬至則書長至

伏願

玉燭長調慶時雍於九牧

金甌永固綿奉運於萬年

以下式  
同前

○又題準慶賀

皇太后三大節表式

具官至上  
言式同前

伏以

慈範宏昭洽嘉祥於萬國

天庥滋至介壽豈於千春欽惟

崇慶皇太后陛下

道軼湯莘

德超周妣

璇宮毓瑞永貽燕翼之祥

華渚呈符肇啟鴻圖之慶覃仁慈之廣被備尊養  
之兼隆臣等幸際昌期欣逢

聖壽

元旦長至  
書式同前

伏願

徽音遠嗣啓昌熾以彌增

福履長綏偕升恒而並久

以下式  
同前

○乾隆二年題

準慶賀

皇后三大節箋式

具官至上  
言式同前

伏以

龍符叶瑞正中壺以延禧

鳳葆增華統六宮以衍慶敬惟

皇后殿下

仁宣雅化

孝嗣徽音

厚德承天四序協順成之運

光明儷日萬方同久照之功

臣等幸際昌期欣逢

令節

元旦長至  
書式同前

伏願

純庥茂集綿福祚於千春

內治丕昭播芳猷於奕禩

以下式  
同前

○十五年題準

慶賀

皇后三大節箋式

具官至上  
言式同前

伏以

祥開玉宇椒宮集多祜之庥

瑞啓璇霄蘭掖迓無疆之福敬惟

皇后殿下

仁符厚載

德協安貞

茂育垂型承健行而不息

溫恭表範並麗照以常明<sub>臣</sub>等幸際昌期恭逢

令節

元旦長至  
書式同前

伏願

坤儀丕著綿景福而慶行鴻圖

內治彌隆播芳猷而輝生彤管

以下式  
同前

○十八年

諭元旦長至萬壽三大節外省文官臬司以上武官  
副將以上例得隨進表箋稱賀朕思督撫提鎮封  
疆大吏事皆專達表賀為宜藩司副將既不得專  
達章疏其由督撫附進表箋亦不必且不過由  
部送閣存貯並不呈覽此亦向來虛文陋習甚無  
取焉其槩行停止欽此

進書

一恭進

實錄康熙十一年

世祖章皇帝實錄成擇吉恭進前期一日禮部鴻臚寺  
官設表案於

太和殿丹陛之東設

實錄案於階下正中設表亭香亭采亭於

實錄館內是日早鹵簿大駕鼓樂設於



太和殿前王以下公以上朝服齊集於

太和門外文武各官朝服齊集於

午門前監修總裁纂修等官咸朝服齊集於

實錄館前監修官奉表設表亭纂修官奉

實錄設采亭各官於采亭前行一跪三叩禮校尉以次

昇行前張黃蓋列御仗二禮部官前引和聲署

作樂香亭

實錄亭由金水橋道中行表亭由道左行監修等官後

隨入

太和門香亭

實錄亭由中門入表亭由左門入齊集王公文武百官  
分翼跪迎候過至

太和門內按翼排立各亭至

太和殿丹墀內監修等官自表亭內奉表內閣官  
前引由左階升陳於表案纂修官自采亭內奉

實錄陳

太和殿階下正中案上各亭徹退鴻臚寺卿奏請  
聖祖仁皇帝禮服出宮

御中和殿內大臣侍衛內閣禮部都察院鴻臚寺執  
事各官行三跪九叩禮不贊畢鴻臚寺官導

駕前行

聖祖仁皇帝御太和殿鳴鐘鼓作樂

陞座鳴鞭如常儀鴻臚寺官奏進

實錄丹陛樂作禮部官舉

寶錄案鴻臚寺堂官二人前引由中道升至殿門外  
聖祖仁皇帝興案由中門入至

寶座左樂止侍衛舉以入

聖祖仁皇帝乃坐侍衛舉

寶錄案鴻臚寺堂官引至

保和殿內設於正中監修總裁纂修等官由東階  
下至照常行禮處立鳴贊官贊排班贊跪各官  
皆跪贊進表禮部宣表官在殿門外正中跪宣

表文畢樂作鳴贊官贊叩興各官行三跪九叩  
禮退立東旁樂止鳴贊官贊跪王公百官皆跪  
宣表官於中門外正中跪代奏致辭云和碩親  
王臣某等文武羣臣奏言恭惟

世祖章皇帝神功聖德纂述

實錄成書光華萬世羣臣懽忭禮當慶賀奏畢鴻臚卿  
宣

制答致辭云

世祖章皇帝功德配

天纂修

實錄已成朕心懽慶與卿等同之宣畢樂作鳴贊官贊

叩興王公百官行三跪九叩禮畢樂止鴻臚寺

堂官引王以下公以上進

殿內坐各官在丹墀內分翼坐行一叩禮

賜茶畢鳴鞭樂作

駕還宮王以下各官皆退內監舉

保和殿

實錄監修總裁等官隨後至

乾清門交與內監送入

大內各官皆退○二十一年恭進

太宗文皇帝實錄於

太和門行禮儀與十一年同○二十五年恭進

太祖高皇帝實錄於

太和門行禮儀與二十一年同○雍正元年恭進

聖祖仁皇帝實錄

聖訓前期一日禮部鴻臚寺官設

實錄

聖訓案於

保和殿中設表案於

保和殿門外稍東均南嚮設表亭香亭龍亭於

實錄館內是日早鹵簿大駕樂懸設於

太和殿前王公以下文武各官咸朝服齊集於



實錄館前監修官奉表設於表亭纂修官奉

實錄設於龍亭各官行三跪九叩禮校尉以次昇行前  
張黃蓋列御仗二鴻臚寺官前引和聲著作樂  
香亭

實錄亭

聖訓亭由內金水橋道中行表亭由道左行監修等官  
皆隨行至

太和門香亭

實錄亭

聖訓亭由中門入表亭由左門入齊集王公文武各官

分翼跪迎候過至

太和殿丹墀內分翼排立

實錄亭

聖訓亭表亭至

太和殿階下監修總裁等官於表亭前行一跪三

叩禮監修官奉表文纂修官恭奉

實錄

聖訓各亭皆徹鴻臚卿二人前引恭奉

實錄

聖訓官恭奉表文官由中階升至

太和殿由中門入至

保和殿以次敬設於各案監修纂修等官行三跪  
九叩禮禮部堂官奏請恭受

實錄

聖訓

世宗憲皇帝禮服出宮至

保和殿後降輿進殿於

實錄

聖訓案前行三跪九拜禮畢興立於案東侍衛進

殿內恭奉

實錄

聖訓案及表案由

保和殿後正中階送至

乾清門交送內務府總管內務府總管及舉案侍

衛內監咸蟒袍補服奉接黃案送入

大內謹藏禮部堂官奏受

實錄禮成恭導

世宗憲皇帝御中和殿執事各官行禮

御太和殿監修等官暨王公文武各官行禮均與康熙

十一年儀同其監修總裁所進表文諸王各官

慶賀致辭及宣答

制辭均由內閣撰擬奉

實錄

聖訓案之侍衛由領侍衛內大臣委出內監由內務府  
委出至

皇史宬及內閣尊藏副本底本均候本館騰繕告  
竣日再行具題○乾隆六年奏準本年十二月  
恭進

世宗憲皇帝實錄

聖訓王公齊集於

太和門外金水橋北文武百官齊集於橋南咸朝

服舉案侍衛蟒袍補服齊集

保和殿門外宮殿監督領侍及舉案內監恭竢於

乾清門外其餘禮儀均與雍正九年同○八年

諭奉天乃我朝發祥之地

屢朝實錄皆應繕清漢文各一部送往尊藏竢見在皇

史宍內閣藏本繕成後即著在館人員敬謹謄錄  
其送往儀注大學士會同禮部詳議具奏欽此遵  
旨議準行文

實錄館敬繕清漢文各一部竣完日送往尊藏其送往  
禮儀屆期詳議具奏再按奉天尊藏之處惟

崇政殿後有翔鳳樓高敞壯麗堪以尊藏請

勅下奉天將軍會同

盛京禮工二部奉天府尹敬謹辦理尊藏金匱照



在京

皇史宬內式樣製備應需官員專司守護均令該  
將軍等妥議具奏以昭永遠敬奉之意○九年  
議準恭送

世宗憲皇帝實錄

聖訓尊藏

皇史宬前期一日禮部鴻臚寺官恭設

實錄

聖訓亭香亭於

實錄館內至尊藏吉日監修總裁纂修等官咸朝服齊

集纂修官恭奉

實錄

聖訓設亭中監修總裁纂修等官於亭前行三跪九叩

禮鑾儀衛校舁行前張黃蓋設御仗和聲署作

樂導引監修等官後隨恭送至

皇史宬敬謹尊藏其副本亦令纂修等官即於是

日送交內閣收貯○十五年議準

屢朝實錄

聖訓

玉牒先後奉

旨送往奉天尊藏卷帙繁重程塗遙遠夏雨時行恐  
有未便應於秋成後劄行欽天監擇日送往按

實錄

聖訓

玉牒函數製造行箱用采亭恭昇出城至朝陽門外易  
以車載前列黃蓋龍旗御仗均交工部敬謹酌  
量辦理經過道路橋梁歇站令工部行文各該  
地方酌量修整豫備其駐宿之處令各州縣相  
度平坦潔淨處敬設采棚安奉浴塗應用官弁  
兵丁護行並駐宿處周視巡防均交兵部酌撥  
恭送人員宗人府奏遣王公一人禮部工部各  
奏遣堂官一人

實錄

玉牒兩館各委提調官一人纂修官二人禮部工部各  
委司官一人欽天監委候時官一人其恭送尊  
藏之儀前期禮部鴻臚寺分設采亭於

皇史宬及禮部堂上正中屆期送往之王公大臣  
官員等恭奉

實錄

聖訓

玉牒安設各行箱內行三跪九叩禮校尉昇亭張黃蓋  
列御仗和聲署作樂恭送至朝陽門外樂止徹  
亭恭奉行箱於車內

實錄在前

玉牒在後各用黃蓋龍旗御仗導引所過地方文武各  
官咸朝服出郭跪道右迎送至奉天城外奉天  
府豫備采亭人夫鼓樂

盛京將軍五部侍郎府尹等率有頂帶官員以上

咸朝服出郭跪迎委官前引迎至

崇政殿內安設行三跪九叩禮屆尊藏吉期恭請

實錄

聖訓亭至

翔鳳樓前

玉牒亭至

敬典閣

崇謨閣前送往之王公大臣官員暨將軍以下

等官各於亭前行一跪三叩禮提調纂修等官

暨

盛京五部司官恭奉

寶錄

聖訓至

翔鳳樓

玉牒至

敬典閣



崇謨閣敬謹尊藏各行三跪九叩禮畢各退

一恭進

玉牒順治十八年纂修

玉牒康熙元年告成擇吉恭進前期一日禮部鴻臚寺

官設黃案於

中和殿丹陛正中設采亭於宗人府至日早宗人

府官奉

玉牒設采亭內鑾儀衛校舁行由

大清門中門進總裁王以下及纂修各官咸朝服  
隨至

太和殿階下奉

玉牒設於

中和殿黃案上奏請

聖祖仁皇帝御殿

閱訖還宮內院官奉

玉牒進

呈送至

皇史宬尊藏○十年纂修

玉牒成擇吉恭進是日早禮部鴻臚寺官設黃案於  
中和殿丹陛上正中檐下陳鹵簿大駕於

太和殿前王以下公以上咸朝服齊集

太和門文武各官朝服齊集

午門外宗人府官奉

玉牒十匣各設采亭內總裁率纂修各官咸朝服於亭

前行三跪九叩禮校尉舁行張黃蓋前列御仗  
二教坊司作樂由

大清門進總裁王暨各官乘馬後隨至

天安門外各官下馬王至

午門前下馬齊集王公文武各官分翼跪迎候過  
隨入至

太和殿丹墀內纂修官奉

玉牒進

中和殿陳黃案上總裁以下均行三跪九叩禮興

啟

玉牒匣將正中四匣

玉牒展開禮部堂官奏請

聖祖仁皇帝禮服出宮御中和殿至東旁北嚮立閱

玉牒畢復至原位立禮部官引總裁暨纂修各官出王  
等至

太和殿丹陛上排立各官在丹墀內排立禮部堂

官奏請

聖祖仁皇帝御太和殿樂作

陞座樂止鳴鞭如常儀鳴贊官贊跪叩興總裁率纂修

各官行三跪九叩禮畢

賜坐

賜茶畢鳴鞭

駕還宮諸王各官皆退總裁率纂修各官奉

玉牒送進矣

御覽畢禮部官設采亭十於

乾清門前設黃蓋御仗於

太和殿前設樂於東華門外

玉牒由內奉出總裁率纂修各官奉設采亭內校尉昇

行由

保和殿

中和殿

太和殿出張黃蓋列御仗由

太和門中門金水橋正中行至協和門出東華門  
教坊司作樂恭送

皇史宬尊藏○十八年二十七年三十七年五十  
四年纂修

玉牒告成一應禮儀均與十年同○雍正三年進  
呈

玉牒恭送

皇史宬尊藏典禮均與康熙十年同○乾隆三年



纂修

玉牒告成

皇帝御中和殿恭閱送至

皇史宬尊藏均照康熙十年之例○五年奏準恭  
進

玉牒止用黃袱包裹設采亭內昇入

中和殿各官照例恭奉陳設其

玉牒匣豫送

皇史宬跋

玉牒進呈後昇送尊藏匣內○九年恭進

玉牒儀與三年同○是年奏準

玉牒每十年纂修一次今遵奉

諭旨將禮部尊藏

玉牒恭送

盛京尊藏自順治十八年至今共纂修八分並此

次纂修

玉牒見在繕寫裝潢竣告成時一并恭送

盛京尊藏以垂久遠其恭送之儀應聽禮部定議

嗣後每次纂成

玉牒將禮部尊藏一分恭送

盛京永為定例○又奏準據

實錄館奏稱

屢朝實錄

聖訓清漢文各一部業已繕竣校對裝潢禮部見在會

同大學士酌議送往儀注至禮部尊藏之

玉牒遵

旨敬謹修整將次告竣所有

盛京尊藏之

崇政殿左翊門東旁向南正樓業經行文奉天將軍等作速興修竣工竣報部日劄欽天監擇吉  
送往恭按

屢朝實錄及屢次纂修

玉牒均繫奉

旨送往

盛京尊藏應一同敬謹恭送以昭畫一

事宜禮儀  
詳見於前

--	--	--	--	--	--	--	--	--

鑄印局

一鑄造

寶印關防鈐記順治年間定凡鑄造

寶印禮部鑄印局職掌印文清文左漢文右字樣由

內院撰發金銀礪砂於戶部移取物料於工部

移取祭物於光祿寺移取○又定鑄造

皇太后金寶盤龍紐平臺方四寸四分厚一寸二分玉

筋文

皇后金寶交龍紐平臺方四寸厚一寸二分玉筋文  
皇貴妃金寶蹲龍紐平臺方四寸厚一寸二分玉

筋文

妃金印龜紐平臺方三寸六分厚一寸玉筋文和

碩親王金寶龜紐平臺方三寸六分厚一寸親

王世子金寶龜紐平臺方三寸五分厚一寸朝

鮮國王金印龜紐平臺方三寸五分厚一寸多

羅郡王飾金銀印麒麟紐平臺方三寸四分厚



一寸以上均玉筋文外國王飾金銀印駝紐平  
臺方三寸五分厚一寸九疊篆文公銀印虎紐  
三臺方三寸三分厚九分大將軍將軍侯伯都  
統銀印虎紐二臺方三寸三分厚九分均柳葉  
篆文宗人府銀印直紐三臺方三寸三分厚一  
寸衍聖公銀印直紐三臺方三寸三分厚一寸  
六部內三院

盛京五部理藩院都察院鑾儀衛各省都司銀印

直紐二臺方三寸二分厚八分各省承宣布政  
使司銀印直紐二臺方三寸一分厚八分順天  
府銀印直紐方二寸九分厚六分五釐以上均  
九疊篆文提督總兵官銀印虎紐三臺方三寸  
三分厚九分鎮守掛印總兵官銀印虎紐二臺  
方三寸三分厚九分提督九門步軍統領銀印  
虎紐二臺方三寸三分厚九分以上均柳葉篆  
文詹事府通政使司大理寺銀印直紐方二寸

九分厚六分五釐太常寺內務府各省提刑按  
察使司京衛宣慰司銅印方二寸七分厚九分  
武備院上駟院奉宸院光祿寺太僕寺鹽運使  
司外衛守備各城守尉銅印方二寸六分厚六  
分五釐鴻臚寺國子監外府宣撫司銅印方二  
寸五分厚六分內院左春坊右春坊司經局欽  
天監太醫院六部各司理藩院四司宗人府左  
右司經歷司鹽課提舉司安撫司招討司銅印

方二寸四分厚五分直省知州銅印方二寸三分厚五分廣儲司會計司掌儀司慎刑司都虞司營造司慶豐司都察院經歷司大理寺左右寺光祿寺四署五城兵馬司鑾儀衛左右中前後所旗手左右衛馴象所大興宛平承德三京縣布政使司經歷司理問所長官司僧錄司道錄司銅印方二寸二分厚四分五釐六科銅印方二寸四分厚五分之中書科行人司通政使司

鑾儀衛經歷司工部營繕所太常寺典簿光祿  
寺典簿詹事府主簿京府經歷司京衛外衛經  
歷司按察使司經歷司外縣鹽運使司經歷司  
宣慰司經歷司銅印方二寸一分厚四分四釐  
國子監繩愆廳博士典簿鴻臚寺主簿欽天監  
主簿各

壇廟祠祭署布政使司照磨所府經歷司銅印方二寸  
厚四分二釐刑部司獄司光祿寺銀庫太醫院

藥庫京府照磨所司獄司國子監典籍寶泉局  
寶源局神樂觀司牲司會同館都稅司按察使  
司照磨所司獄司都司司獄司府照磨所司獄  
司府儒學衛儒學稅課司茶馬司陰陽學醫學  
僧綱司道紀司巡檢司銅印方一寸九分厚四  
分教坊司銅印方一寸四分厚二分以上均直  
紐九疊篆文時憲書銅印方二寸一分厚四分  
四釐七疊篆文監察御史銅印直紐有孔方一

寸五分厚三分八釐篆文河南等六道巡鹽各  
差並同直省總督巡撫關防長三寸二分濶二  
寸各鎮守總兵官關防長三寸二分濶二寸各  
部分司守巡道副將叅將游擊都司僉書關防  
長三寸濶一寸九分提督學政關防長二寸九  
分濶一寸九分織染局管理江南蘇州杭州各  
織造關防長二寸九分濶一寸九分巡視五城  
御史府同知道判衛所千總營都司關防長二

寸八分濶一寸九分管理銀段顏料三庫各關  
防長三寸濶一寸九分以上均銅質直紐九疊  
篆文府州縣儒學各守備銅印記長二寸六分  
濶一寸六分五釐庫大使批驗所驛丞鹽課司  
遞運所各局各倉場各插銅條記長二寸四分  
濶一寸三分五釐以上均直紐九疊文○又定

皇太后

皇后金寶均用三等赤金



皇貴妃金寶用六成金

妃金印用五成金親王金寶用五成金世子金寶用四成金○又定每年封開印信豫期由部行欽天監選擇日期行知部院各衙門均照期封開封印後不理刑名不辦事如有緊要事仍行辦理○又定鑄造內外諸司印信關防條記吏兵二部具題咨送到部由部復行奏請方行鑄造○又定文武衙門請給印信關防條記在京

者該衙門自題在外者該督撫代奏

旨下吏兵二部覈議咨送禮部鑄造○又定在外文武大小衙門印信關防條記年久篆文模糊者許申督撫驗實具奏換鑄新印其舊印繳部銷燬○又定應給印信鑄印局照式篆文呈送內院撰發清字送部發局鑄給○二年定凡巡鹽巡按御史各差每差鑄印二顆循環給發○四年定凡應給印信均照吏兵二部咨文鑄給不

必復行具奏○八年定六部都察院鑾儀衛等衙門官遇

行幸扈從每衙門別鑄印一顆加

行在二字攜用其

特差侍衛等均用鑾儀衛印信○十年定凡有新推

選各官應給印信者文官執憑武官執劄赴部

親領在外文官請給印信執該督撫或布政使

司文批武官請給印信執該督撫或總兵官文

批差役赴領每文一件請印一顆文內開明請  
印差役姓名方準給發○又覆準朝鮮國王原  
領印文有清字無漢字禮部改鑄清漢文金印  
賜給該王仍將舊印繳進○十一年鑄造琉球  
國王飾金銀印○十四年改遼陽府為奉天府  
更鑄銀印○十五年改內秘書院國史院弘文  
院為內閣以銀印三顆繳送到部改鑄內閣典  
籍廳關防一顆○十六年鑄造通政使司大理

寺翰林院太常寺太僕寺光祿寺鴻臚寺欽天  
監太醫院行在印信○康熙四年鑄造

太皇太后金寶平臺方四寸四分厚一寸二分盤龍紐  
玉筓文○五年鑄造安南國王飾金銀印○十  
五年定

皇太子金寶蹲龍紐平臺方四寸厚一寸二分玉  
筓文○十六年定

貴妃金寶蹲龍紐平臺方四寸厚一寸二分玉筓

文○二十九年

諭凡差遣審事官不必鑄給印信事完日其本章即繕  
明啓奏日期用地方督撫印信如事關督撫即用藩  
臬印信事關督撫藩臬則用提鎮印信欽此○五十  
三年覆準鑄給三旗領侍衛內大臣銀印制同  
都統○六十年定凡鑄造銀印由部於戶部領  
出紋銀配銅三分鑄給餘銀照依分兩仍傾銷  
紋銀交還戶部銅印銅關防皆用黃銅之精鍊

者○雍正元年

諭印信乃一應事件憑據不惟藩臬印信卽州縣印信亦屬緊要著禮部竝有數印一同交與欽天監選擇吉日鑄給欽此遵

旨議準鑄給印信關防令欽天監擇吉日專委禮部官監造務期鐫刻精工字畫端楷鑄造完日禮部堂官驗明將監造官姓名登記冊籍倘有銀色不足銅質不精及字畫不清怠忽從事者將監

造官指叅文與該部從重議處並令賠補所領  
戶部鑄造銀印銀仍照舊例將除剩銀傾銷紋  
銀交還戶部○是年增鑄總理戶部三庫事務  
銀印二臺方三寸二分厚八分九疊篆文改鑄  
內務府太常寺銀印總督巡撫銀關防○三年  
題準巡鹽各差舊例有印二顆新任帶一印前  
往舊任帶一印回繳以備中塗有事具奏用印  
但鹽差專為鹽務而設必到任受事方用印信



若新舊官各有一印恐滋弊端嗣後鹽差止給一印令新舊官交代職掌○四年定各省衛所改設府州縣者其知府州縣官及教授學正教諭訓導等官鑄給印信條記凡有新設衙門及增改職守者其印信關防皆準換給○六年

諭向來鑄造金銀寶印所用之金銀皆有一定成色應遵照該部定例辦理不可草率令金銀成色不足嗣後著該部稽察驗看凡有鑄印之事即徵員印信皆

先期令欽天監選擇吉日然後鑄造鑄就之後送內閣著內閣學士閱看再行頒發並將鑄印及頒發日期存案備察欽此○又議準鑄造

欽差大臣關防六如督撫式三品以上用

欽差官員關防四如司道式三品以下用均豫鑄存部遇有

欽差由部給發帶往事竣繳回○七年議準佐貳官內有分駐彈壓管理水利糧務等項及直隸州

同州判應給鈐記者均由各該督撫察明具題  
準其鑄給○又奏準增鑄

欽差大臣關防四官員關防六備用○八年覆準凡  
銀印關防皆於戶部領取十成好銀鑄造如所  
鑄之印有成色不足者照原議指參仍令鑄印  
大使及監造之官賠補其金銀冊頁有交回者  
照例鎔化如成色與原藁不符即著落原造官  
分賠還項○九年奏準增鑄

欽差大臣關防十官員關防十以備領用○十一年  
議準鑄造金寶銀印每兩準以三分折耗其監  
督鑄造者由部於滿漢司官內遴選二人引

見恭候

欽定一人專司局事一年期滿再行更代○十三年  
議準據閩省奏換關防印記二十八顆到部印  
信關防凡長濶分寸皆照會典定式其方印厚  
薄分寸照會典所載不免太薄向例均加厚二

三分不等應仍照向來頒給之式關防條記分寸本無一定應將舊頒大小各衙門印模分寸比照定式每銅十兩經火煉三次應加折耗銅六兩鑄造已成應將二十八顆注銷數目折耗分兩及見在每顆重若干兩之處逐一存案並將厚薄分寸亦詳細注冊作為成式嗣後印記關防有大小厚薄不合定式或篆文有訛者令各督撫驗實奏

聞咨部換給再鑄印工匠養贍不敷必多侵蝕請照  
工部製造庫匠役工食之例每月給銀一兩米  
二斛二斗五升鑄印所需煤炭亦請酌增一倍  
○乾隆元年奏準直省督撫藩臬印信關防及  
文武各官新設衙門由吏部兵部會同禮部校  
正印模擬定字樣鑄給以昭畫一○二年奏準  
鑄造金寶銀印每兩止準折耗二分○又奏準  
鑄印局向有額設漢員外郎一人後經裁汰請

復設員外郎專司其事給與關防至大使一人由該部儒士補授朝夕在司董率鑄造亦屬事繁之任應令五年期滿咨吏部入於升班選用○又定副都統銀印方三寸二分厚八分○又奏準內務府改鑄二品衙門印信方三寸二分厚八分六部理藩院都察院均改鑄一品衙門三臺印信方三寸三分厚九分○七年覆準各省印信關防文官自州縣以下武官自副叅以

下均停其專差赴部請領所有關防印記發交  
提塘由部用重紙密糊膠封於印面騎縫處鈐  
蓋司印將給發日期填注文內一並交發各提  
塘務照依文移程限齎送該督撫提鎮仍將收  
到印信開用日期報部察覈倘有遷延違限以  
致滋弊者由部察明叅劾交兵部議處○又覆  
準凡舊印繳部令該衙門於印面清漢印文正  
中鐫一繳字呈送上司驗看封固送部由部驗



明封貯存司彙齊銷燬○十一年議準文書以印信為憑嗣後封印之前各衙門豫備空白文書於應用印信處豫為鈐蓋存貯備用俟開印時將未用之空白文書銷燬不得仍用印信遵封字樣○十三年

諭國家寶璽朕依次排定其數二十有五向兼清漢文漢文皆用篆體清文則有專用篆體者亦有即用本字者今國書經朕指授篆法宜用之於國寶

內有青玉皇帝之寶本繫清字篆文乃

太宗時所貽自是以上四寶均

先代相承傳為世守者不宜輕易其擅香皇帝之寶以

下二十一寶則朝儀綸綍所常用者宜從新定清

文篆體一律改鑄欽此遵

旨奏準於內閣見在用

寶頒發

誥勅內敬將

制誥之寶遵照

指授篆法用玉筋體擬篆清文恭呈

御覽竝

欽定後即交該衙門選擇吉期於

大內恭領應鑄

御寶敬謹改鑄

皇太后

皇后金寶

各宮妃金寶金印均玉筋篆體統竝

冊封

皇后舉行

慶典加上

徽號時交該衙門照例敬謹成鑄恭鑄○是年奏準親  
王金寶郡王飾金印向無鈐用之處應令諸王  
各將寶印送部照式改鑄朝鮮國王金印應竝  
襲封時別鑄換給内外文武衙門印信關防條

記應令各衙門齎送印模到部酌量衙門大小  
職事繁簡先改鑄內部院領侍衛內大臣八旗  
都統外督撫藩臬將軍都統提鎮其餘依次改  
鑄換給○又奏準

本朝定例

大內寶文皆玉筋篆親王寶文郡王印文朝鮮國  
王印文及內外文職大小衙門印信關防條記  
皆上方大篆內外武職大小衙門印信關防條

記皆柳葉篆文伏思親王郡王朝鮮國王與

大內寶文宜有分別今擬親王金寶郡王飾金銀  
印朝鮮國王金印均用芝英篆宗人府衍聖公  
辦理軍機事務處內務府翰林院六部理藩院  
都察院總理三庫事務鑾儀衛

盛京五部銀印均用上方大篆三旗領侍衛內大  
臣都統護軍統領前鋒統領火器營嚮道總領  
經畧大將軍將軍鎮守將軍副都統提督銀印

均用柳葉篆通政使司大理寺太常寺順天府  
奉天府各省布政使司銀印均用小篆詹事府  
各省按察使司鹽運使司武備院上駟院奉宸  
苑光祿寺太僕寺銅印均用小篆鴻臚寺國子  
監一二品衙門各司欽天監太醫院左右春坊  
司經局鑾儀衛各司各所六科各道鹽政時憲  
書銅印均用鐘鼎篆中書科五城兵馬司三四  
品衙門各司欽天監各科經歷司司獄司直省

知府知州知縣以下等官銅印均用垂露篆直  
省總督總河總漕總督倉場巡撫銀關防欽差  
大臣銅關防均上方大篆內繡書房各省學政  
銅關防均小篆五城御史順天府丞奉天府丞  
戶部銀庫段庫顏料庫坐糧廳各處監督道官  
織造銅關防均鐘鼎篆各部院衙門廳署庫所  
局各處大使同知通判州同州判銅關防均垂  
露篆總兵官銅關防柳葉篆叅領各處總管城



守尉協領防守尉副將叅將游擊銅關防均受篆都司銅關防佐領內務府管領守備以下等官銅條記圖記均懸針篆京城僧錄道錄銅印直省僧綱道紀等銅關防均用垂露篆○又奏準凡鑄

大內寶印本部會同內務府造辦處敬謹鑄造○十四年奏準翰林院堂印向繫五品銅印今翰林院掌院學士繫從二品經內繕書房列入一

二品衙門定印文為上方大篆應照原奏將翰林院換給二品銀印以符體制○又奏準改鑄理藩院堂印清漢字樣均照

欽定篆文蒙古字樣應否仍照本文鐫刻奉

旨理藩院印文之蒙古字樣不必篆書外藩扎薩克盟長喇嘛並蒙古西藏一應清文蒙古唐古忒文亦不必篆書其在京扎薩克大喇嘛印清文著篆書蒙古文不必篆書○又奉

昔見因辦理清文篆書將一應印信悉照篆文鑄造  
據禮部奏稱有大光明殿住持及龍虎山上清宮  
提點司兩銅印應行撤回無庸改鑄再妙正真人  
文覺禪師無闕永覺禪師之銀印均無鈐用之處  
無庸改鑄其應否撤回候命下遵行等語大光明  
殿住持及上清宮提點兩印應照部議撤回其妙  
正真人文覺禪師無闕永覺禪師三銀印繫雍正  
年間並

勅諭一同頒發乃賜給本人不過圖章之類非外藩喇嘛傳授承用印信可比無庸改鑄亦無庸徹回應竝本人身後繳部銷燬再似此者尚有幾何著禮部詳考奏明遵照辦理該部存案嗣後如有特賜方外人等印信均照此例行○十四年

諭近用新定清文篆書鑄造各衙門印信所司檢閱庫中所藏經畧大將軍將軍諸印凡百餘顆皆前此因事頒給經用繳回未經銷燬者會典復有命

將出師請旨將庫中印信頒給之文遂致濫觴朕  
思虎符鵠紐用之軍旅所以昭信無取繁多庫中  
所藏其中振揚威武建立膚功者具載

歷朝實錄班班可考今擇其克捷奏凱底定迅速者經  
畧印一大將軍將軍印各七分厘收貯稽其事迹  
始末刻諸文笥足以傳示奕禩即仍其清漢舊文  
而配以今製清文篆書如數重造遇有應用具奏  
請旨頒給一并藏之皇史宬其餘悉交該部銷燬

此後若遇請自皇史宬而用者歲事仍歸之皇史  
宬若遇因一事特行頒給印信者事竣交部銷燬  
欽此○又奏準印信關防所關甚重篆文既經

欽定理應普給頒發以昭畫一據內繕書房並辦理  
漢篆之大臣每日可得印模八九張隨篆隨鑄  
每年可得三千餘顆約計三年可以完竣所有  
加雇匠役工價並鑄印銀銅及煤炭等項仍於  
戶工二部支取竣之日仍照舊例辦理○

又覆準土司距省遠近不一若通行飭取更改  
印信恐滋疑懼應令於承襲時換給○十六年

奏準

東陵

泰陵承辦事務關防照內務府總管印用上方大篆尚  
虞照三品文職印用小篆總管尚膳尚茶圖記  
照三品武職關防用夏篆廣恩庫鈐記照戶部  
三庫印信用鐘鼎篆通州倉關防照武職三品

關防用懸針篆灌頂普善廣慈大國師印慧悟  
禪師印總管

京師喇嘛班第扎薩克大喇嘛印

盛京總管喇嘛班第印均用轉宿篆○又秦準印  
信以昭法守防弊務期周密原定發印章程雖  
用紙封固鈐以司印但恐巧詐之徒或於塗間  
設法啟揭私行開用亦未可定請嗣後鑄印之  
時於印邊無字之處多留一脚竦頌發後齋與



本官領受然後截去其脚磨平印邊於開用日期文內一并聲明報部其印中有字處仍舊加封鈐固以除弊端○又奏準印信關防應於鑄造之時四角各留一柱竝齋到本官截磨開用一并聲明報部○十七年奏準新鑄銅印均用紅銅白鉛三七配搭鑄造嗣後遇有各衙門印信模糊請換者應照新印銅色鑄給以昭畫一○又奏準印信關防圖記自十四年起三年期

滿已照數鑄完次第恭呈

御覽嗣後如有新增及應行補給者仍送繙書房篆  
文由部照式鑄造所有原設匠役八名仍照舊  
例辦理無庸別給工價○十八年奏準各省舊  
印應照督撫咨覆各部院公文之例以新印開  
用日期限四月之內將舊印鑄字封固繳部如  
逾限不繳照例叅處

欽定大清會典則例卷六十三